

‘ĀTAMA

Ko ‘Ātamá ko ha paionia mo’oni: ko ia ‘a e fuofua tangata ‘i he māmani mo e fuofua palōfita! Na’á ne ako’i ki hono fāmili ‘a e ongoongolelé, ka na’e ‘i he kamata’angá pē ha ní’ihi na’a nau “fekumi ki he’enua ngaahi fakakaukau ‘anautolu pē ‘i he fakapo’uli” mo fakasitua’i ‘a e mo’oni (Mōsese 6:28).

‘ĪNOKE

Kuó ke ‘osi fanongo nai ‘i ha kolo kuo ‘ave kotoa ki he langi? Ko e kolo ‘o Saioné—‘a ia na’e fokotu’u ‘e ‘Īnoké—na’a nau fu’u angamā’oni’oni pea ‘ohake ‘a e kakaí ke nau nofo mo e ‘Otuá (vakai, Mōsese 7:23).

NOA

‘Okú ke ‘ilo pē fekau’aki mo e ‘a’ake ‘a Noá. Ko ha kakaí pē ‘e toko valu—‘a ia ko e fāmili ‘o Noá—na’a nau mo’ui mei he Lōmakí he na’a nau fanongo ki he ngaahi fakatokanga ‘a Noá (vakai, Sēnesi 7; Mōsese 8). Ka na’á ke ‘ilo’i nai na’a ne ma’u e lakanga fakataula’eikí ‘i he’ene kei ta’u 10 (vakai, T&F 107:52) pea na’e ‘i ai ha “kakaí lalahi... [na’a] nau kumi kia Noa ke to’o ‘ene mo’ui” (Mōsese 8:18).

KAU TAKI ‘O E NGAARI KUONGA FAKAKOSIPELI

Na’e uiui’i e kau palōfita ko ‘ení ‘e he ‘Otuá, “tu’unga ‘i he’enua fu’u tui lahi ‘aupito mo e ngaahi ngāue lelei” (‘Alamā 13:3; vakai foki, ‘Ēpalahame 3:22-23). Na’e toe fakafoki mai ‘a e ngaahi ki ‘o e lakanga fakataula’eikí na’a nau ma’u ki he Palōfita ko Siosefa Sāmítá.

Ko ha ngaahi fakakaukau ‘eni ‘e ní’ihi fekau’aki mo e kau palōfita ko ‘ení. Vakai pe ko e hā mo ha toe me’a te ke lava ‘o ako fekau’aki mo kinautolu ‘i ho’o ako e folofolá.

‘ĒPALAHAME

Na’e meimei feilaulau’i ‘a ‘Ēpalahame ‘e he kau taula’eiki kovi, ka na’e fakahaofi ia ‘e ha ‘āngelo (vakai, ‘Ēpalahame 1). Na’á ne ma’u ha ngaahi fakahā faka’ofo ‘o kau ai ha vīsone ki he mo’ui ‘i he maama fakalaumālié. Ko hono hakó ‘a e kau mēmipa ‘o e Siasí, pea ‘oku tau hingoa kiate ia ‘a e fuakava faka-‘Ēpalahamé. (Vakai, ‘Ēpalahame 2-5).

MŌSESE

Na’e tatakí ‘e Mōsese ‘a e Kau ‘Isilelí mei ‘Isipite pea tokoni’i kinautolu ke nau ma’u ‘a e tau-‘atāinā. Na’á ne “feinga faivelenga ke fakamā-‘oni’oni’i ‘a hono kakaí koe’uhí ke nau lava ‘o mamata ki he fofonga ‘o e ‘Otuá; ka na’a nau fakafefeka honau lotó ‘o ‘ikai te nau malava ke kātaki’i ‘a e nofo ‘i hono ‘aó” (T&F 84:23-24). Ko hono mo’oni, koe’uhi ko ‘enua hē mei he mo’oni, na’a nau hē holo ai ‘i he toafá ‘i ha ngaahi ta’u ‘e 40!

KO E HĒ FAKA’AUFULI MEI HE MO’ONÍ

Hili e Toetu’u ‘a e Fakamo’ui, na’e feinga ‘a ‘Ene Kau ‘Aposetoló mo e kau taki kehe ‘o e Siasí ke fakamafola ‘a e ongoongolelé, ka na’e fakasitua’i ‘e he kakaí ‘a ‘enua ngaahi akonakí pea a’u pē ‘o nau fakapoongi ha tokolahi ‘o e Kau ‘Aposetoló. Na’e mole ai ‘a e kakato ‘o e ongoongolelé, koe’uhi ko e faiangahala ‘a e kakaí. Na’e hoko mai ha fakapo’uli fakalaumālie ki he māmani (vakai, ‘Īsaia 60:2).

- Ne laka hake ‘i he ta’u ‘e 1,000 ‘a e ‘ikai lava ke ma’u ‘e he kakaí ‘a e ngaahi ouau ‘o e fakamo’ui, ngaahi tāpuaki ‘o e tempalé, pe ngaahi fakahino-hino ‘a ha palōfita.
- Ne mole ha ngaahi mo’oni mahu’inga mei he Tohi Tapú.
- Ne ako’i ha ngaahi fakakaukau loi fekau’aki mo e natula mo’oni ‘o e ‘Otuá.
- Na’e liliu pe ako’i hala ha ngaahi ouau ‘o e fakamo’ui (vakai, ‘Īsaia 24:5).
- Ne faifai pea iku ‘a e hē mei he mo’oni ko ‘ení ki hono fokotu’u ‘o ha ngaahi siasí lahi.

SĪSŪ KALAI SI

Na’e ‘ikai ngata pē ‘i hono ako’i ‘e Sīsū Kalaisi ‘a e ongoongolelé mo fakahoko ha ngaahi mana lahi, ka na’á Ne toe fokotu’u foki Hono Siasí ‘i he māmani. Na’á Ne fai ha fakalelei ma’a ‘etau ngaahi angahalá pea na’e kalusefai la peá Ne toetu’u ke tau malava ai ‘o ikuna’i ‘a e mate fakalaumālié mo fakatu’asinó. Ko e ‘ulu la ‘o Hono Siasí ‘i he kuongá ni pea ko la mo e Tamai Hēvaní ‘a e tupu’anga ‘o e mafai lakanga fakataula’eikí.

KO E FOKOTU’U LOTÚ

Lolotonga e Hē Faka’aufuli mei he Mo’oni, na’e ‘i ai ha kakaí fakakaukau fakalotu ‘i ‘lulope na’a nau fakatokanga’i na’e ‘ikai ako’i totonu e ongoongolelé ‘o Sīsū Kalaisi. Ko e kau fokotu’u lotu ko ‘ení na’e ‘ikai ko ha kau palōfita, ka na’a nau fai honau lelei tahá ke ako’i e mo’oni ‘o fakatautu ki he’ene mahino kiate kinautolu. Na’a nau tokoni ke lava ‘o ma’u ‘e ha kakaí tokolahi ange ‘a e Tohi Tapú. Na’e feinga ha tokolahi ke ma’u e tau’atāina fakalotu’u pea nau tofa ai e hala ki hono Fakafoki Mai ‘o e ongoongolelé.

SIOSEFA SĀMITA

‘A ia na’e mole kotoa nai ‘o ta’engata e kakato ‘o e ongoongolelé? ‘Ikai! Na’e toe fakahā mai ‘e he ‘Otuá ha ngaahi mo’oni mahu’inga kia Siosefa Sāmítá. Na’e toe fakafoki mai ‘e ha kau talafekau fakalangi ‘a e ngaahi ki kotoa ‘o e lakanga fakataula-‘eikí na’e fie ma’u, kiate ia (vakai, T&F 27:8-13; 110; 128:18-21), ‘o hoko ai ‘eni ko e “kuonga ‘o e kakato ‘o e ngaahi kuongá” (T&F 138:48). ‘Oku toe ‘iloa foki ko e kuonga faka’osi, koe’uhi he ko e kuonga faka’osi ‘eni kimu’a ‘i he Hä’e le ‘Anga Ua Mai ‘a Sīsū Kalaisi.

‘Okú Ke ‘i Heni

KO HONO FAKAFOKI MAI ‘O E ONGOONGOLELÉ

Mate’i mai ange? ‘Okú KE ma’u e ngaahi tāpuaki ‘o e Fakafoki mai ‘o e Ongoongolelé. ‘Io, ‘a koe!

- Kuo toe fakafoki mai ‘a e Siasí ‘o Sīsū Kalaisi mo ha palōfita mo ha kau ‘aposetolo ke nau tatakí ia.
- Na’e toe fakafoki mai ‘e he Tohi ‘a Molomoná, Tokāteline mo e Ngaahi Fuakavá, Mata’itofe Mahu’ingá, mo e ngaahi fakahā fakaonopōni ha ngaahi mo’oni mahu’inga ne mole (vakai, 2 Nifai 27).
- Na’e ma’u ‘e Siosefa Sāmítá ‘a e Lakanga Taula’eiki faka-‘Ēloné mea Sione Papitaiso (vakai, T&F 13) mo e Lakanga Taula’eiki faka-Melekisēteké mei he Kau ‘Aposetolo ko Pita, Sēmisi, mo Sioné (vakai, T&F 128:20).
- ‘Oku fakahoko totonu ‘e ha kau ma’u lakanga fakataula’eikí kuo fakamafai’i ‘a e ngaahi ouau ‘o e fakamo’ui.
- Pea ‘oku tau ‘ilo ‘e ‘ikai teitei mole ‘a e mo’oni ‘o fakafou ‘i ha toe hē mei he mo’oni (vakai, Taniela 2:44). ■